



Մ Ա Յ Ր Ա Թ Ո Ռ Ո Ւ Մ

Փետրվարի 1-ին, երկուշաբթի.—Այսօր Ժնկից Մայր Աթոռ ժամանեց, որպես ուխտավոր, տ. Օշին վրդ. Նիկողյանը:

*
* *

Փետրվարի 6-ին, շաբաթ.—Այսօր Դամակոսից և Էջմիածին ուխտի եկավ Մայր Աթոռի միաբան տ. Տարոն վրդ. Մերենյանը:

*
* *

Փետրվարի 7-ին, կիրակի.—Այսօր Մայր տաճարում և պատարագ է մատուցում տ. Հակոբ քհն. Հակոբյանը, իսկ տ. Գևորգ վրդ. Մերայրարյանը քարոզում է «Հայր մեր»-ից առաջ «Ամենատուրք Երրորդութեան ընտրեալ ծառայ և հաւատարիմ սուրբ Սարգիս» բնաբանով:

Ա. պատարագին ներկա էր Վեհափառ Հայրապետը:

*
* *

Փետրվարի 11-ին, հինգշաբթի.—Այսօր, առավոտյան ժամը 12-ին, Վեհափառ Հայրապետը տ. Հուսիկ եպս. Սանթրոքյանի ուղեկցությամբ, այցելում է և Գեղարդի վանքը՝ հանգամանորեն ծանոթանալու տեղում կատարված վերանորոգչական և շինարարական աշխատանքներին:

*
* *

Փետրվարի 18-ին, շաբաթ.—Այսօր երեկոյան Մայր տաճարում մեծ շուքով կատար-

վում է Տյառնընդատաջի նախատոնակը:

Արարողության ավարտին, ժամը 19.30-ին, հոգևոր ճեմարանի մարգադաշտում Վեհափառ Հայրապետը վստում է Տյառնընդատաջի ավանդական խարույկը, որի շուրջ խմբված էին և Էջմիածնի միաբանությունը, հոգևոր ճեմարանի դասախոսները, ուսանողությունը:

Խարույկահանդեսից հետո Վեհափառ Հայրապետը, միաբանությունը, հոգևոր ճեմարանի դասախոսները և ուսանողները միասին են ընթրում ճեմարանի սեղանատանը: Ընթրիքի ժամանակ խոսում է Վեհափառ Հայրապետը օրվա տոնի հոգևոր-քարոյական նշանակության մասին: Ելույթներ են ունենում նաև Մայր տաճարի լուսարարապետ տ. Հայկազուն արքեպ. Աբրահամյանը, տ. Տարոն վարդապետը, հոգևոր ճեմարանի դասախոս Խորեն Մելիսանեջյանը, պնուհետև Դավիթ արկ. Դիլանյանը և Կորիմ արկ. Ներսիսյանը: Տյառնընդատաջի ընթրիքը ավարտվում է որախ մթնոլորտում, Վեհափառ Հայրապետի օրհնությամբ:

*
* *

Փետրվարի 14-ին, կիրակի.—Տեառնընդատաջ: Տօն քառասնօրեայ գալստեանն Քրիստոսի ի տաճարն.

Այսօր Մայր տաճարում և պատարագ է մատուցում տ. Օշին վրդ. Նիկողյանը և «Հայր մեր»-ից առաջ քարոզում «Հաւատք քո կենցիղին գրեզ» բնաբանով:

Ս. պատարագին ներկա էր Վեհափառ Հայրապետը:

**Փետրվարի 18-ին, երեքշաբթի.—Տօն Սըր-
բոց Ղևոնդեանց քահանայից.**

Այսօր Մայր տաճարում, ս. Ղևոնդեանց քահանայից տոնի առիթով, ս. պատարագ է մատուցում տ. Հակոբ քեն. Հակոբյանը:

**Փետրվարի 21-ին, կիրակի.—Քուն Բաբե-
կենդան.**

Այսօր Մայր տաճարում, փակ խորանի վրա, ս. պատարագ է մատուցում տ. Տարոն վրդ. Ծերեճյանը: «Հայր մեր»-ից առաջ քարոզում է Վեհափառ Հայրապետը՝ «Ո՛վ է մարդ որ կեցցէ և ոչ մեղիցէ» բնաբանով: Վեհափառ Հայրապետը Իր բովանդակայից քարոզում խոսում է Մեծ պահոց հոգևոր նշանակության, մարդկային բնության մեղանշանկանության և Քրիստոսով կատարված փրկագործության մեծ խորհրդի մասին:

Փետրվարի 23-ին, հինգշաբթի.—Այսօր, Վեհափառ Հայրապետի հրավերով, Մայր Աթոռ ս. Էջմիածին է ժամանում Վենետիկի Մխիթարյան միաբանության անդամ տ. Հարություն վրդ. Պզտիկյանը: Մայր տաճարում իր ուխտն ու աղոթքը կատարելուց հետո հայր Հարությունը ներկայանում է Վեհա-

փառ Հայրապետին՝ Նրան մատուցելու արքանայր Պողոս վրդ. Անանյանի և ողջ Մխիթարյան միաբանության ողջույններն ու որդիական հարգանքները:

Փետրվարի 24-ին, չորեքշաբթի.—Այսօր Մայր տաճարում սկսվում է «Կարգ ապաշխարության» և «Արևազայի» ժամերգությունը: Հոգևոր անմարանի ուսանողները կատարում են «Արևազայի» երգերը:

«Արևազայի» հանդիսավոր ժամերգությանը ներկա էր Վեհափառ Հայրապետը:

Փետրվարի 26-ին, ուրբաթ.—Այսօր Մայր տաճարում, երեկոյան ժամերգությունից հետո, կատարվում է խաղաղական ժամերգություն, որին ներկա են լինում Վեհափառ Հայրապետը և ողջ միաբանությունը:

Փետրվարի 28-ին, կիրակի.—Արտաքսման կիրակի.

Այսօր Մայր տաճարում ս. պատարագ է մատուցում տ. Մկրտիչ սվազ քեն. Մկրտչյանը: «Հայր մեր»-ից առաջ քարոզում է տ. Տարոն վրդ. Ծերեճյանը՝ «Եղերուք կատարեալ ինչպէս երկնաւոր Հայր ձեր կատարեալ է» բնաբանով:

Ս. պատարագին ներկա էր Վեհափառ Հայրապետը:

